


LII ZANDA GACA **XHAMÍGULU' DIOS**



- 
- ◆ Dios cayabi lii gaca xhamígulu' laa 1
- ◆ Dios nga ni jma galán gaca xhamígulu' 2
- ◆ Naquiiñe' gunibia'lu' Dios 3
- ◆ Ximodo zanda gunibia'lu' Dios 4
- ◆ Ndaani' Paraisu ca zabani ca xhamigu Dios 5
- ◆ Ma' gaxha nuu Paraisu ca 6
- ◆ Ti guendarulidxi de dxique 7
- ◆ Tuu nga ca xhenemigu Dios 8
- ◆ Tuu nga ca xhamigu Dios 9
- ◆ Ximodo zanda guidxe'lu' relijión ni dxandí' 10
- ◆ Gucaananu relijión ni cadi dxandí' 11
- ◆ Xi rácanu ora rátinu 12
- ◆ Brujeríá ca la? malu ni 13
- ◆ Ca xhamigu Dios qué rúnídica' ni malu 14
- ◆ Ca xhamigu Dios rúnica' ni jneza 15
- ◆ Gusihuinninu de que nadxiinu Dios 16
- ◆ Para gapu xhamígulu' la? naquiiñe' gácalu' amigu 17
- ◆ Guca xhamigu Dios ne qué ziuu dxi gátilu' 18

© 2000

Watch Tower Bible and Tract Society of Pennsylvania

Lii zanda gaca xhamígulu' Dios

Cani bi'ní' ni

La Torre del Vigía, A.R.

Heraldo 104, Col. Clavería, 02080 México, D.F.

Impresión de enero de 2014

Folleto ri'rreeni lu guidubi naca Guidxilayú para gusidini binni de Biblia,
ne para gaca dxiña' ca riquiñé' bueltu ni rudi binni biñ' ná' ladxiidó.

Cadi naquiiñe' guidoo ni.

Pa cadi cá gadxé la? ca textu ri'biree cani lu *Stidxa Dios Didxaz*NM: Traducción del Nuevo Mundo de las Santas Escrituras
(con referencias).You Can Be God's Friend!
Zapotec (gfZPI)

Impreso en México

DIOS CAYABI LII GACA XHAMÍGULU' LAA

Dios racala'dxi' gácalu' xhamigu. Nannu' de que lii zanda gaca xhamígulu' ti Binni ni jma risaca lu guidubi naca Guibá' ne Guidxilayú la? A-braán, ni bibani ma raca stale iza biree lá xhamigu Dios (Santiago 2:23). Biblia ruzeeteru' de xcaadxi hombre ne gunaa ni biécheca' gúcaca' xhamigu Dios ne gucuaaca' stale ndaaya'. Ca dxi ri' la? laaca nuu stale binni lu guidubi naca Guidxilayú ni ma' nácaca' xhamigu Dios. Lii laaca zanda gácalu' xhamígube.

Gácalu' xhamigu Dios nga ni jma galán que sti' tuttiica binni. Dios qué lica rucheené ca xhamigu ni qué rusaana laa (Salmo 18:25). Guendaraca xhamigu Dios nga ni jma galán que guendarapa bidxichi. Ora rati ca binni napa ca la? gadxé binni riaanané xpidxíchica'. Peru, cani rieche' gaca xhamigu Dios laa la? nápaca' ti ni risaca stale ne guiruti' zanda gaxha ni laaca' (Mateo 6:19).

Zándaca chu' tuuxa ni qué zaná guiziidirou' de cani rusiidi' Dios. Zándaca laaca ca xhamígulu' pacaa ca binnilídxilu' nga guni ni (Mateo 10:36, 37). Pa chu' tuuxa guxidxi o ná' guniná lii la? gunabadii-dxa' laaca lii: «Tuu nga riuuladxe' gusieche', binni la? o Dios». Gun' ique si: pa ñuu tuuxa ñabi lii gusaa-nu de goú, ñu'nu' ni la? Co' nja'. Para guibáninu la? naquiiñé' guidóno. Dios la? zanda gudii lii guenda-nabani ni qué zaluxe. Nga runi, biziidiru' ximodo zanda gaca xhamígulu' Dios ne cadi chu' tu gucueeza lii (Juan 17:3).



DIOS NGA NI JMA GALÁN GACA XHAMÍGULU'


Gácalu' xhamigu Dios nga ni jma galán ni zanda guizaaca lii. Dios zusiidí lii ximodo guidxe'lú' guendanayeché' ne guendariuudxi; zabeebe lii de ni rusiidi-cabe ni cadi dxandí' ne de guendanabani ni runiná. Zucaadiágabe ca oración stilu'. Zudiibe lii guendariuudxido' ne zapu confiansa lii (Salmo 71:5; 73:28). Dios zacané lii ora tiidu' ra nagana (Salmo 18:18). Dios laaca racaládxí' gusiga'de' lii guendanabani ni qué ziuu dxi guiluxe (Romanos 6:23).



Ora cadxíñalu' Dios la? laaca cadxíñalu' ca xhamigu Dios. Ca xhamigu Dios zeeda gácaca' xhamígulu'. Dxandipe'nga zeeda gácacabe para lii casi býchilu' ne bisañu'. Ziéchecabe gusiidicabe lii de Dios, zacanécabe ne zaguucabe gana lii.

Cadi bia'ca dí' laanu Dios. Ra guyubú' gaca xhamígulu' Dios la? naquiiñe' guienú' ndí': gácanu xhamigu Dios la? cadi rini' dí' nga de que bia'ca laanu laabe. Laabe nápabe stalepe' iza que laanu, nánnabe stale ne jma nandxo'be que laanu. Laasibe nga tobi lucha ni naquiiñe' gaca Xaíque stinu. Nga runi, pa racaládxilu' gácabé xhamígulu' la? napu' xidé guacadiágu' ne guñu' ni cayábibe lii. Pa guzuubanu stiidxa' Dios la? zieni laanu jneza (Isaías 48:18).


NAQUIIÑE' GUNIBIA'LNU' DIOS



Para gaca xhamígulu' Dios, naquiiñe' gunibia'lú' laabe. Ca xhamígulu' nanna lalu' ne riní' caní, nja'. Dios laaca racala'dxi' gacabia'lú' ne guini'lú' lá. Lá Dios nga Jiobá (Salmo 83:18, Mateo 6:9). Laaca, naquiiñe' gánnalu' xii nga ni riuládxibe ne ni qué riuládxibe, tuu nga ca xhamígube ne tuu nga ca xhenemígube. Yanna, cumu riné dxi nga gunibia' chaahuilu' tuuxa la? Biblia na: guendanuuxpiaani' nga cueelu' tiempu para gacabia'lú' Jiobá (Efesios 5:15, 16).


Ca xhamigu Dios rúnica' ni riuládxibe. Guní ique ca xhamígulu'. Pa lii guninalu' laacabe ne gu'nu' ni qué riuládxicabe, zaca xhamígurucabe lii la? Co' nja'. Zaquea nga pa racaládxilu' gaca xhamígulu' Dios, naquiiñe' gu'nu' ni riuládxibe (Juan 4:24).

Cadi guirá' dí' ca relijión ca racaneca' laanu gacabia'nu Dios. Jesús, ni jma xhamigu Dios la? guní de chupa neza. Tobi ca nalaga ne dxa' binni. Neza ri' zeni para guendarinitilú. Stobi ca nabé ne huaxié' binni ze' luni. Neza ca zeni para guendarabani ni qué zaluxé. Ndi' nga riní' ni, pa lii racaládxilu' gaca xhamígulu' Dios la? naquiiñe' gannu' ximodo nga jneza guni adorarlu' laabe (Mateo 7:13, 14).




XIMODO ZANDA GUNIBIA'LU' DIOS

Zanda gunibia'lu' Jiobá ra gú'ndalu' Biblia. Dxiqué la? Dios gulí tuudxi hombre para guacaaca' ni na xquendabiaanibe. Cani gucuá ca, runibiācabe ni casi Biblia. Yanna zanda gunibia'nu Dios ra gú'ndanu Biblia. Ndaani' ni zeeda diidxa' riuu neza stí' Jiobá, nga runi runibiācabe ni casi Stiidxa' Dios. Zanda guni crenu ni na Biblia purti' Jiobá qué riuu dí' dxi gusiguii. «Nanna nu qué zusiguii be.» (Hebreos 6:18.) Nga runi, Stiidxa' Dios nga ne ni dxandi' (Juan 17:17).



Biblia nga tobi de cani jma risaca ni bisiga'de' Dios laanu. Zeeda gácani casi ti carta ni rucaa bixhoze binni ni nadxii xiiñi'. Cayabi ni laanu ni bizabiruaa Dios guni lu Guidxilayú ri', ti paraisu sicarú ra guibáninu. Cayabi ni laanu xi biñi' Dios dxiqué, xi cayúnibe yanna, ne xi chigúnirube para ca xiiñibe ni qué rucheené laabe. Laaca racané ni laanu tiidinu ca ra nagana stinu ne guidxélanu guendanayche' (2 Timoteo 3:16, 17).



Ca testigu sti' Jiobá nácaca' xhamigu Dios, ne zacanécabe lii guiénelu' ni rusiidi' Biblia. Gudxi si laacabe de que racaládxilu' gúndalu' Biblia. Qué zábidicabe lii quixu laacabe pur gusiidicabe lii. (Mateo 10:8). Laaca zanda chelu' ca guendaridagulisa ca la? jma nagueenda zunibia'lú' Dios.

Zanda gunibia'lú' Dios ra guiní' íquelu' cani bínibe. Biblia na: «Dios bizá' guibá' ne guidxilayú» (Génesis 1:1, NM). Ora Jiobá bizá' «guibá' ne guidxilayú» la? laaca biza'be Gubidxa. Yanna, xi rusiidi' cani laanu de Dios ya'. De que Jiobá napa stale poder. Laasibe nga gunda bínibe tobi ni nandxo' casi Gubidxa ca. Laaca ruluí' ni laanu de que Jiobá nanna stale, purti' naquiiñepe' stale guendabiaani' nga para gaca Gubidxa ni ruchaa ne ruzaani' laanu, ne qué ziuu dxi guizui'.

Cani bizá' Jiobá rusihuinni cani de que nadxiibe laanu. Guní' ique guirá' xixé cuananaxhi nuu lu Guidxilayú. Nándaca nudii Jiobá laanu ti cuananaxhisi o nin tobi. Peru, bidii-be laanu gadxé gadxé cuananaxhi nanixe. Ndí' ruluí' de que Jiobá nadxii laanu, riula'dxi' gudii, riní' ique xi caquiiñenu, ne runi ni nachahuí' (Salmo 104:24).




NDAANI' PARAISU CA ZABANI CA XHAMIGU DIOS

Paraisu ca ma' qué zaca di' ni casi nabáninu yanna. Dios qué ñuu dxi niná nidi'dí' binni ra nagana, ñapa yuuba' ne guendananá. Nga runi, mayaca Dios zuni Guidxilayú ri' ti paraisu. Ximodo zaca ni ya'. Guidú'yanu xi na Biblia.

Binni nacha'hui'. Lu Paraisu ca zabani ca xhamigu Dios. Zacañésaacabe ne zabánicabe casi na lu neza stí' Jiobá (Proverbios 2:21).


Stalepe' guendaró. Ndaani' Paraisu ca, guirutí' zadí'dí' guendarindaana. Biblia na: «Ziuu stale biidxi' [o guendaró] lu guidxilayú» (Salmo 72:16, NM).

Yoo galán ne dxiiña' galán. Ndaani' Paraisu ca, guirá' binni zapa lidxi, ne guirá' binni zapa ti dxiiña' ni gusieche' laa (Isaías 65:21-23).




Guendariuudxi lu guidubi naca Guidxilayú.

Binni ma'qué ziuu dxi gucaalú ne ma'qué záti-ru' lu guendaridinde stí' ca guidxi ca. Stiidxa' Dios na: «[Dios] runduuxé' guendaridinde stí' ca guidxi ca» (Salmo 46:8, 9, NM).




Guendanazaaca. Biblia na: «Guiruti' tu cueza racá [ndaani' Paraisu] zaní': huaraya'» (Isaías 33:24, NM). Laaca ma'qué ziuu cani qué rizá, qué ruuya', qué runadiaga, qué riní' (Isaías 35: 5, 6).

Qué ziuu guendananá nin yuuba' nin guendaguti. Stiidxa' Dios na: «Ma qué ziuu ru enda guti nin enda ruuna nin enda racaná ladxidó nin yuuba', purti ma udiidi irá ni uyuu chiqué» (Apocalipsis 21:4).



Ma'qué ziuu binni malu. Jiobá cuzabiruua: «Peru ca binni malu ca la? zaruuguca'de lu guidxilayú; ne cani rudxii deche, ziaaxhaca' luní» (Proverbios 2:22, NM).

Binni zannaxhiisaa ne zapasaaca' respetu. Ma'qué ziuu ni cadi jneza nin guendaruquichiná' nin guendarachelú nin guendaracananala-dxi'. Binni ziuu tobi si ne zabánicabe casi na lu neza stí' Dios (Isaías 26:9).




¡MA' GAXHA NUU PARAISU CA!

Guirá' ca guendamalu ni cayaca lu Guidxilayú ri' culu' cani ma' gaxha nuu Paraisu ca. Ma' xadxí guní' Biblia, zadú'yanu dxi nagánape' ante gueeda Paraisu ca. Yanna nga cabáninu ca dxi ca. Ca ndí' nga chupa chonna de cani guní' Biblia zaca.



Guendaridinde sti' ca guidxi ro' ca. «Purti zucaa lú ti gobiernu sti gobiernu ne zucaa lú ti guidxi sti guidxi.» (Mateo 24:7.) Ca diidxariguixhená ri' ma' guca cani. Dede iza 1914 ma' guca chupa guendaridinde ro' lu guidubi naca Guidxilayú ne xcaadxi guendaridinde nahuiini' ra ma' huayati miyón de binni.



Guendahuará ni jma reeche. Ziuu «enda huará stale guidxi» (Lucas 21:11). Ma' cahuinni señal ri' la? Ma'. Nuu cánser, guendahuará de ladxidó', guendahuará bidxi, dxiña, sida ne stale ru' guendahuará ni ma' huayuti miyón de binni.

Riaadxa' guendaró. Lu guidubi naca Guidxilayú nuu binni qué rizaa ni gó. Miyón de binni rati de guendarindaana guirá' iza. Ndi' nga sti señal de que Paraisu ca mayaca quedandani rarí'. Biblia na: «Ne zaca gubiña» (Marcos 13:8).

Xu. «Zaca [...] xu stale lugar.» (Mateo 24:7.) Ndi' laaca ma' cahuinni ca dxi ri'. Jma de ti miyón binni ma' guti runi guirá' ca xu ni huayaca dede 1914.

Binni malu. Stale binni nisi «bidxichi zacá ique cá» ne «zuyubi binni para laa si». «Zuyubi cabe ni chu'la'dxi cabe lugar de nuyubi cabe Dios». Xiiñ' binni ma' «qué zuzuuba ca stiidxa jñaa ca ne bixhoze cá» (2 Timoteo 3:1-5). Cadi dxandí' nuu stale binni zacá yanna la? Qué ruzuubacabe stiidxa' Dios, ne ruminácabe cani riula'dxi' guiziidi' de laabe.

Guendarucheené ley. Laaca zadale «enda ru-chee» (Mateo 24:12). Cadi dxandí' ma' bidale guendaruchee ca stale ca dxi ri' la? Guirá' ladu ruxooñé' binni riesgu cuánacabe, gusiguiicabe o guninácabe laa.

Guirá' ndi' la? culuí' cani ma' gaxha nuu Reinu sti' Dios. Biblia na: «Ora gú'yatu gaca guirá' ndi' la? laganna ma gaxha nuu reinu sti' Dios» (Lucas 21:31, NM). Peru, xii nga Reinu sti' Dios ya'. Nga nga gobiernu sti' Dios de guibá' ni chiguni Guidxilayú ri' ti paraisu. Ziuuni xlugar guirá' ca gobiernu ni nuu yanna ri' (Daniel 2:44).




TI GUENDARULIDXI DE DXIQUÉ

Jiobá qué zaná di' gunitilú binni malu Paraisu ca. Ca xhamígusibe nga chiguibani luni. Xi chigaca ca binni malu ca ya'. Para gannu' xi la? biiya' xi guca dxi bibani Noé. Ma' raca stale iza bibani Noé. Gúcabe tobi hombre nacha'hui' ni nabé gucala'dxi' guni ni na Jiobá ne stale stipa. Peru xcaadxi de ca binni Guidxilayú que bínica' ni malu. Ngue runi Jiobá gúdxibe Noé chigueedanebe ti nisaguie naro'ba' para gunitilú guirá' binni malu que. Laaca gúdxibe Noé guzá' ti arca para cadi gati laa ne ca binnilidxi ora gueeda Nisaguie naro'ba' que (Génesis 6:9-18).



Noé ne ca binnilidxi bí'nica' arca que. Noé yeguidxi xcaadxi binni que chigueeda ti nisaguie naro'ba', peru guiruti' nucaadiaga laabe. Bínirucabe ni malu. Ora Noé biluxe arca que la? guluube stale maní' ndaaní' ni, ne guyuube laabe ne ca binnilídxibe. Óraque, Jio-bá bedané nisaguie naro'ba' que. Biaba nisaguie que cuarenta dxi ne cuarenta gueela', ne nisa que bindaahua Guidxilayú que (Génesis 7:7-12).





Ca binni malu que gútica', peru Noé ne ca binnilidxi bilaca'. Jiobá gupa laacabe ca dxi biaba Nisaguie naro'ba' que, ne bisaana laacabe lu ti Guidxilayú nayá sin guendama-lu (Génesis 7:22, 23). Biblia na, zabigueta' dxi Jiobá zunitilú cani qué na' guni ni jneza. Ca binni nacha'huí' qué zanitilúdica'. Ora ma' naca Guidxilayú rí' ti Paraisu la? zabáni-cabe lu ni sin qué guiuu dxi gáticabe (2 Pe-dro 2:5, 6, 9).

Ca dxi ri' stale binni runi ni malu. Gui-dxilayú rí' dxa' de guendanagana. Jiobá nabé ruseenda' ca Testigu stí' para gulídxica' binni, peru jma stale qué riula'dxi' gucaadiaga stii-dxa' Jiobá. Qué naca' guchaaca' modo nabánica' nin la naca' gabi Dios laaca' xii nga jneza ne xii nga ni cadi jneza. Xi chiguizaaca ca binni rí' ya'. Ziuu dxi guchaacabe la? stale de laacabe qué lica zuchaacabe. Ma'cadxiña dxi guinitilú binni malu (Salmo 92:7).

Guidxilayú rí' qué zanitilú di' ni; zácani ti paraisu. Cani gaca xhamigu Dios zabánica' ndaani' Paraisu ca sin qué guiuu dxi gática' lu Guidxilayú rí' (Salmo 37:29).

TUU NGA CA XHENEMIGU DIOS




Ni jma xhenemigu Dios nga Satanás. Laabe nga ti ánjin ni bicaalú Jiobá. Satanás cuacaaluru' Dios ne rutiidibe binni lu stale guendanagana. Satanás malu laa, rusiguii ne ruuti binni (Juan 8:44).

Xcaadxi ánjin gucuanuca' Satanás para gucaaluca' Dios. Biblia na lácabe demonio. Cásica Satanás, ca demonio ca nácaca' xhenemigu binni. Riuládxicabe guninácabé binni (Mateo 9:32, 33; 12:22). Jiobá zunitilú Satanás ne ca demonio ca. Ma' xcaadxisi dxi nga nápacabe para guninácabé binni (Apocalipsis 12:12).

Pa racala'dxu' gaca xhamígulu' Dios la?

cadi gu'nu' ni riula'dxi' Satanás. Satanás ne ca demonio nanaládxica' Jiobá. Nácacabe xhenemigu Dios ne racaládxicabe zacaca gácanu. Nga runi, naquiiñe' cuiyu' tu riula'dxu' gu'nu' ni ná: Satanás la? o Jiobá. Pa racala'dxu' guibánilu' sin qué guiuu dxi gátilu' la? nápalu' xidé gu'nu' ni ná Dios. Satanás napa stale maña para quite binni. Zacá riguítibe stale binni (Apocalipsis 12:9).



TUU NGA CA XHAMIGU DIOS



Jesucristu nga xiiñi' Jiobá ni jma xhamígube ni nadxiibe. Ante guibánibe casi binni lu Guidxilayú la? Jesús bibánibe guibá' casi ti ánjel nandxo' (Juan 17:5). De raqué beedabe Guidxilayú rí' para gusiidibe binni ni dxandí' de Dios (Juan 18:37). Laaca bidiibe xquendanabánibe para gulabe binni ruzuuba' diidxa' de donda ne guendaguti (Romanos 6:23). Yanna Jesús ma' naca Rey stí' Reino stí' Dios, ti gobiernu de guibá' ni chiguni Guidxilayú rí' ti paraisu (Apocalipsis 19:16).

Ca ánjel ca laaca xhamigu Dios laaca'. Ca ánjel ca qué nuzulú dí' xquendanabánicabe casi binni lu Guidxilayú. Guyácabé guibá' ante guzá' Dios Guidxilayú (Job 38:4-7). Nuu miyón de ánjel (Daniel 7:10). Ca xhamigu Dios de guibá' rí' la? racaládxicabe guiziidi' binni ni dxandí' de Jiobá (Apocalipsis 14:6, 7).

Dios laaca napa xhamigu lu Guidxilayú rí'; gulee labe laaca' testigu stibe. Ti testigu ni nuu nezalú ti jués rini' ni nanna de tuuxa o xixa. Ca testigu stí' Jiobá rini'neca' binni de Jiobá ne de ni chigúnibe (Isaías 43:10). Cásica ca ánjel ca, ca Testigu racaládxica' gacaneca' lii guizidu' ni dxandí' de Jiobá. Lii laaca racaládxicabe gaca xhamígulu' Dios.




XIMODO ZANDA GUIDXE'LU'

RELIJIÓN NI DXANDÍ'

Pa racaládxilu' gaca xhamígulu' Dios la? naquiiñe' gu'nu' ni na religión ni Dios racala'dxi'. Jesús guní', «ca ni dxandí' runi adorar ca la?» runi adorárcabe Dios casi modo na ni «dxandí» ca (Juan 4:23, 24). Tobi si nga jneza modo gaca adorar Dios (Efesios 4:4-6). Relijón ni dxandí' la? ziné laanu lu guendanabani ni qué zaluxe, ne religión ni cadi dxandí' la? ziné laanu lu guendaguti (Mateo 7: 13, 14).

Zanda gánnalu' guná' nga religión ni dxandí' ra guuya' chaahuilu' binni runi ni na ni. Cumu Jiobá nacha'hui' la? cani dxandí' runi adorar laabe laaca naquiiñe' gácaca' binni nacha'hui'. Cásica ti yaga naranja nazaaca rudii naranja cha'hui', religión ni dxandí' la? laaca rudii binni nacha'hui' (Mateo 7:15-20).

Ca xhamigu Jiobá nápacabe stale respetu Biblia. Nánnacabe de que Biblia zeedani de Dios. Nga runi, rusaanacabe gábini laacabe ximodo guibánicabe, ximodo guidxagalúcabe guendanagana ne gacaneni laacabe gunibiá' cha'hui'cabe Dios (2 Timoteo 3:16). Laaca rúnicabe stipa pur gúnicabe ni rusiidi-cabe.





Ca xhamigu Jiobá nadxiisaacabe. Jesús bisiuinni de que gunaxhii binni ra bisiidi' laacabe de Dios ne ra bisiándabe cani huará. Cani runi ni na relijión ni dxandí' ca la? laaca nadxiica' xcaadxi binni. Cásica Jesús qué rucaanádicabe binni pobre nin de sti rasa nin ni riní' sti diidxa'. Jesús guní' zanda ganna binni tuu nga cani caziidi' de laabe pur gueñdarannmaxhii ni zapassaaca' (Juan 13:35).

Ca xhamigu Dios rusisácaca' labe: Jiobá. Pa tuuxa que na' guiní' lanu, ñábinu de que laabe nga ni jma xhamígunu la? Co' nja'. Ora nápanu ti xhamígunu la? rininu lá ne rini-nu ni galán de laa nezalú binni. Nga runi, cani racala'dxi' gaca xhamigu Dios la? naquii-ñé' guini'ca' Labe ne guiní'neca' xcaadxi binni de laabe. Jiobá racala'dxi' gúninu zacá (Mateo 6:9; Romanos 10:13, 14, NM).

Cásica Jesús, ca xhamigu Dios rusiidicabe binni de Reinu stí' Dios. Reinu stí' Dios nga Gobiernu de guibá' ni zuni Guidxilayú ri' ti paraisu. Ca xhamigu Dios riní'neca' binni de ca diidxa' nacubi ne galán stí' Reinu stí' Dios (Mateo 24:14).

Ca testigu stí' Jiobá rúnicabe stipa pur ganda gaca xhamígucabe Dios. Nápacabe respetu Biblia ne nadxiisaacabe. Laaca riní'cabe ne rusisácacabe lá Dios ne rusiidicabe binni de Reinu stí' Dios. Ca dxi ri' ca testigu stí' Jiobá cayúnicabe ni na relijión ni dxandí' ca lu Guidxilayú.


GUCAANANU RELIJIÓN NI CADÍ DXANDÍ'

Satanás ne ca demonio stí' la? qué nádica' gúninu ni na Dios. Ruyúbicabe ximodo guxhálecabe binni de Dios. Ximodo ya'. Relijión ni cadi dxandí' nga tobi de cani riquiñecabe (2 Corintios 11:13-15). Ti religión cadi dxandí' ni pa cadi cusiidini ni dxandí' ni na Biblia. Relijión ni cadi dxandí' la? zeeda gaca casi bueltu ni cadi dxandí' zanda guluí' dxandí' ni ne cadi guisaca ni gastí', ne zutiidi' ni laanu lu stale guendanagana.



Jiobá, Dios de ni dxandí' qué riuládxidi-be guendarusiguii stí' ca religión ca. Dxi Jesús guyuu lu Guidxilayú la? ca xaíque stí' ca religión de dxique gucaládxica' ñuutica' laabe. Guní' íquecabe de que modo runi adorárcabe que nga jneza. Sicari' gunícabe: «Dios nga Bixhoze du». Jneza bicábicabe na Jesús la? Co'. Laabe bicábibe laaca': «Binidxaba' nga bixhoze tu» (Juan 8:41, 44). Ca dxi ri' la? stale binni na cayuni adorar Dios, pero ni dxandí' nga la? cayúnicabe ni na Satanás ne ca demonio stí' (1 Corintios 10:20).


Cásica ti yaga nayuudxu' rudii cuananaxhi ni qué zacá nga relijión ni cadi dxandí' ca laaca ruddii binni runi ni malu. Lu Guidxilayú rí' nuu stale guendanagana pur guirá' guendamalu ni runi binni. Nuu guendarapa xnadxii, guendaridinde, guendariba'na', guendaruquichiná', guendaruuti ne guendarilaxoo. Stale de ca binni runi ca ndí' la? nápacá' relijión stica', peru relijión rí' qué rucaa dí' ni laacabe gúnicabe ni nacha'hui'. Qué zanda dí' gácacabe xhamigu Dios pa qué gusaanacabe de gúnicabe ni malu (Mateo 7:17, 18).



Relijón ni cadi dxandí' rusiidi' binni guini'né bidó'. Dios cayabi laanu cadi naquiiñe' guiníne-nu ca bidó' ca, ne jnezape' nga modo nabe. Ñula-dxu' ñuu tuuxa qué lica nini'né lii peru ne foto stilu' nini'né la? Ñanda ñácabé xhamígulu' la? Co' xa, qué ñanda dí'. Jiobá racaládxibe guini'né binni laabe cadi né bidó' ni cadi nabani (Éxodo 20:4, 5).

Relijón ni cadi dxandí' rusiidi' de que zanda guuti binni lu guendaridinde stí' ca guidxi ca. Jesús gun' de que ca xhamigu Dios zanaxhiisaaca'. Qué ruutinu binni ni nadxiinu (Juan 13:35). Laaca cadi jneza nga guutinu binni malu. Ora ca xhene-migu Jesús guyeca' para guinaazeca' laabe qué niná-dibe nidinde cani zinanda laabe para gulaca' laabe (Mateo 26:51, 52).

Relijón ni cadi dxandí' rusiidi' de que binni malu zacaná ndaaní' infiernu. Peru, Biblia rusiidi' de que donda ca nga riné laanu lu guendaguti (Romanos 6:23). Jiobá nga ti Dios de guendarannaxhii. Ñe zuniná ti Dios de guendarannaxhii binni para siempre la? Co' nja'. Ndaaní' paraisu ca ziuu ti relijón si, relijón ni Jiobá riula'dxi' (Apocalipsis 15:4). Ca xcaadxi relijón ni rusiidi' de ca guendarusiguii ni zeeda de Satanás la? para dxi ca ma' binitiluca'.



XI RÁCANU ORA RÁTINU

Guendaguti ca ma' gadxépeni que guendanabani. Zeeda gácani casi ora ti binni guizá nisiaasi' (Juan 11:11-14). Ca gue'tu' ca qué randa runadiágaca' nin gú'yaca' nin guiní íqueca' gastí' (Eclesiastés 9:5, 10). Relijión ni cadi dxandí' na de que ca gue'tu' ca riécabe ra nuu ca espíritu stí' ca binnilídxicabe de dxiqué ni ma' guti, para guibanimécabe laaca'. Peru cadi nga dí' nga ni rusiidi' Biblia.



Ca binni ni ma' guti ca qué zanda dí' gacané McCabe laanu nin guninácabe laanu. Stale binni ma' biaa guni saa ne cuáqui dxinña lu bidó purti' nácabe zacá nga riula'dxi' ca gue'tu' ca. Peru, Dios qué riula'dxi' dí' cani ma' biaa ca binni ca guni purti' zeeda ni lu tobi de ca guendarusiguii stí' Satanás. Cani ma' guti ca laaca qué zanda dí' chuládxicabe ni purti' cadi nabaniidí'cabe. Cadi naquiiñe' dí' guidxíbinu nin guni adorarnu ca gue'tu' ca. Dios si nga naquiiñe' guni adorarnu (Mateo 4:10).

Ca gue'tu' ca zabigueta guibánica'. Mayaca, Jiobá zucuaanibe ca gue'tu' ca para guibánica' ndaani' ti paraisu lu Guidxilayú ri' (Juan 5:28, 29; Hechos 24:15). Dios zanda gacuaani' ca binni ni ma' guti ca clásica laanu zanda gacuaani-nu tuuxa nisiaasi' (Marcos 5:22, 23, 41, 42).


Satanás la? huacaabe stale binni guni cré guendarusiguii de que laanu qué rátinu. Satanás ne ca demonio stí' ruacaacabe binni guiní' ique de que ca espíritu stí' ca gue'tu' ca nabánica', runi huaraca' binni ne rutiidicabe binni lu stale guendanagana. Satanás riguite binni, nuu tiru ne bacaanda' o pacaa ne bisión. Nga runi, Jiobá zunitilú cani racala'dxi' guiní'né ca gue'tu' ca (Deuteronomio 18:10-12).

BRUJERÍA CA LA? MALU NI

Satanás racala'dxi' gu'nu' brujería. Stale binni ribaqui'dxinña lu bidó para ca binnilídxica' de dxiqué o para ca espíritu ca, ti cadi guminaca' laacabe. Rúnicabe ni purti' ridxibicabe poder stí' ca espíritu ca. Riguunácabe aníu o pacaa pulsera ni napa poder. Récabe ne rixúbicabe remediu ládicabe purti' nácabé nápani poder. Nuu binni rucaachi' xiixa ndaaní' lidxi o pacaa ndaaní' yu purti' nácabé napa cani poder para gapa cani laacabe. Xcaadxi binni la? riquiñé' remediu ni nácabé napa poder para gacané laacabe lu cani rutoocabe, lu exámen stí' scuela ne para guidxélacabe xnóbiocabe o xnóbiacabe.

Gácalu' xhamigu Jiobá nga ni jma galán para gapa lii de Satanás. Dios Jiobá ne ca ángel stí' jma nandxópecabe que Satanás ne ca demonio stí' (Santiago 2:19; Apocalipsis 12:9). Jiobá racala'dxi' iquiiñé' poder stí' para gacané ca xhamigu, ni ruzuuba' stiidxabe ne guidubi ladxitdó (2 Crónicas 16:9).

Stiidxa' Dios na: "Cadi naquiiñé' gúninu brujería". Jiobá nanala'dxi' brujería purti' laani zanda uguuni laanu lu ná Satanás (Levítico 19:26).



CA XHAMIGU DIOS QUÉ RÚNIDICA' NI MALU

Satanás ruquiinde laanu para gúninu ni malu. Pa racaládxinu gaca xhamígu-nu Dios la? nápanu xidé gaca nanaládxinu ni Jiobá nanaládxí' (Salmo 97:10). Ndí' nga caadxi de cani naquiiñé' gucaana' ca xhamigu Dios:

Guendarapa xnadxii. «Cadi chu' nelu' ni cadi xheelu'» (Éxodo 20:14, NM.) Laaca malu nga gátanelu' tuu-xa ante guichaganalu' laa (1 Corintios 6:18).



Guendariba'na'. «Cadi cuanu'». (Éxodo 20:15, NM.)




Guendarixudxi. Ca «binni güe' [...] [qué] ziuu ra runi mandar Dios» (1 Corintios 6:10).



Guendaruuti ne guendarutiidi' ba'du'. «Cadi guutilu'». (Éxodo 20:13, NM.)



Guendarusiguii. Jiobá nanaládxí' «ludxi rusiguii» (Proverbios 6:17, NM).



Guendaridinde ne guendaridxiichi xhaata'. Jiobá «nanalaðxi» tutiisi ni nadxii guendaridinde» (Salmo 11:5, NM). Lade «cani runi ni na ique» nuu cani «gasti si aca' maca cadxiichi» (Gálatas 5:19, 20).

Apuesta. «Cadi idxaaga tu nin tobi de cani [...] puru si rucaa ique gapa bidxichi.» (1 Corintios 5:11.)

Guendaracananalaðxi' sti rasa ne ni riní' sti diidxa'. «Laganaxhii cani nanalaðxi laatu, [...] ne lainaba lu Dios pur cani riladxi laatu.» (Mateo 5:43, 44.)

Dios cayabi cani laanu para cheni laanu jneza. Cadi guirá' ora nga zanda gucaananu ni malu, pero Jiobá ne ca Testigu sti' zacanécabe lii para gucaanalu' cani qué riuladxi' Dios (Isaías 48:17; Filipenses 4:13; Hebreos 10:24, 25).

CA XHAMIGU DIOS RÚNICA' NI JNEZA



Ora napu' ti xhamígulu' ni ridxagayaalu' ne napu' respetu laa la? rúnili' pur gácalu' casi laa. «Jiobá nacha'hui' ne runi jneza», na Biblia (Salmo 25:8, NM). Para gaca xhamígulu Dios la? naquiiñe' gácanu binni nacha'hui' ne ni runi jneza. Biblia na: «Ma xiiñi Dios laatu ne nadxii laatu. Yanna laucaalaðxi gaca tu casi laa. Intiica guni tu lausihuinni nadxii saa tu» (Efesios 5:1, 2). Ca ndí' nga caadxi de cani zanda chinándanu para gúrinu casi runi Jiobá:



Gácanenu binni. «Ora tiica ganda acané nu binni la? guni nu ni.» (Gálatas 6:10.)



Gácanu binni runi dxiiña'. «Ni uca gubana la? ma cadi cuana', sínuque ma iquiiñe ná para guni dxiiña jneza.» (Efesios 4:28.)

Laanu ne xpiánu gaca nayá. «Usiá nu laanu de irá ni runi dxaba xcuerpu nu ne espíritu stinu, ti sa nu modo pe naquiiñe sa ca xpinni be, cani ridxibi laabe.» (2 Corintios 7:1.)


Ganaxhiinu ne gápanu respetu ca binnilídxinu. «Peru laca rusiidi ni naquiiñe ganaxhii hombre xheela casi nadxii laca laa, ne irá gunaa guni ni na xheela'. Baðu ca', lauzuuba stiidxa bi-xhoze tu ne jñaa tu.» (Efesios 5:33-6:1.)



Ganaxhiinu binni. «Naquiiñe ganaxhii saa nu purti nadxii Dios irá nu.» (1 Juan 4:7.)

Gúninu ni na ca ley sti' guidxi. «Naquiiñeuzuuba irá binni stiidxa cani runi mandar ndaani xquidxi [...]. Laquixe de irá ni nuzaabi tu. [...] Ne ra nuzaabi tu impuestu, laquixe.» (Romanos 13:1, 7.)

GUSIHUINNINU NADXIINU DIOS




Para cadi gusaana de gaca xhamígulu' tuuxa la? nápalu' xidé guiní'nelu' laa. Rucaadiágalu' laabe, ne laabe rucaadiágabe lii. Laaca rini'lú' galán de laabe nezalú xcaadxi binni. Za queca nga naquiiñé' gu'nu' pa racaládxilu' gaca xhamígulu' Dios. Biagu'yu xiná Biblia de laani.



Cadi gusaana de guiní'nelu' Jiobá. «Cadi usaana tu de iní' né tu Dios.» (Romanos 12:12.)



Biinda' Biblia, stiidxa' Dios. «Irá Xqui'chi Dios, Espíritu Santu uní' xi icá, ne nuu ni para usiidi ni laanu ne para ulidxe ni laanu ne para gabi ni laanu paraa cuché nu.» (2 Timoteo 3:16.)



Bisiidi' xcaadxi binni de Dios. «Nga runi laché irá xixé guidxi, lachiusiidi irá xixé binni sa nanda naa, [...]. Lausiidi laaca guni ca irá ni ma gudxe laatu». (Mateo 28:19, 20.)

YOO STI' REINU sti' ca Testigu sti' Jiobá



Bidxiña ca xhamigu Dios. «Tu canazané binni nuu xpiaani' la? zaca binni nuu xpi-aani'» (Proverbios 13:20, NM.)

Guyé ca guendaridagulisaa ra Yoo sti' Reinu. «Ne naquiiñe ucá ique nu acané saa nu para ganaxhii nu jma, ne guni nu ni nacha'hui', [...] cada tobi acané stobi para indisa ique.» (Hebreos 10:24, 25.)


Gucané sá' dxiiña' sti' Reinu. «Cada tobi udii bia' rulu'i'la'dxi', ne cadí acaná ladxidó ti ma bidii ni, nin udii ni purti canaba cabe ni laa, purti nadxii Dios ni rudii ni laa de idubi ladxidó.» (2 Corintios 9:7.)



PARA GÁPALU' XHAMÍGULU' LA? NAQUIIÑE' GÁCALU' AMIGU

Amistá ca la? zúbani lu guendarannaxhii. Pa guiziidu' jma de Jiobá la? jma zannaxhii-lu' laabe ne jma zacala'dxu' gu'nu' ni nabe. Laani zucaani lii gácalu' ni riziidi' stí' Jesucristu (Mateo 28:19). Lii zanda gápalu' amistá stí' Dios sin qué chu' dxi guibiani pa guidaagulu' ca testigu stí' Jiobá ni nabánica' nayeche'. Xi naquiiñe' gu'nu' ya'.

Bisihuinni nadxiilu' Dios ra gu'nu' ni na ley stibe. «Sicarí nga ganaxhii nu Dios: guni nu ni na. Ne cadí nagana ni na be guni nu.» (1 Juan 5:3.)



Bi'ni' ni caziidu'. Jesús guní' ti historia ni rusiidí' de laani. Ti hombre nuu xpiaani' bicuí lidxi lu guie, ne ti hombre ni qué riene bicuí lidxi lu yuxi. Ora beeda ti nisaguie ro' la? yoo ni gurí lu guie que qué nixá, pero yoo ni gurí lu yuxi que la? dede guxidxi ora biaba. Jesús guní' de que ca binni rucaadiaga cani rusiidibe zeeda gácaca' casi hombre nuu xpiaani' bicuí lidxi lu guie que. Laaca guní'be de cani rucaadiaga ni rusiidibe pero qué runi ni la? zeeda gácaca' casi hombre qué riene ni bicuí lidxi lu yuxi que. Guná' tobi de guropa' hombre ri' riula'dxu' gácalu' ya' (Mateo 7:24-27.)





Bidii lii Dios. Zanda gu’nu’ ni ra guinínelu’ Jiobá lu oración de que racala’dxu’ gu’nu’ Ni nabe laga nabantu’. Pa gu’nu’ modo na Dios, zusihuinnilu’ de que nácalu’ ni riziidi’ sti’ Jesuscristu (Mateo 11:29).

Guyuunisa. «Guyuunisa ne gudiibí ca xtóndalu’ ra guini’lu’ de labe.» (Hechos 22:16, NM.)

Bíni’ quirá’ ni na Dios. «Irá ni guni tu la? laguni ni de idubi ladxitdó to, casi ñaca xhiiña Señor [Jiobá, NM], cayuni tu, cadi xhiiña binni.» (Colosenses 3:23.)

GUCA XHAMIGU DIOS NE QUÉ

ZIUU DXI GÁTILU'



Naquiiñepe' nga stale stipa para gápalu' ti xhamíglu' ne cadi gunítalu' laa. Stipa gu'nu' pur gácalu' xhamigu Dios ne cadi guibiá ni la? zudii ni lii stale ndaaya'. Jesús gúdxibe cani runi cré laabe: «Ne zanna tu ni dxandí', ne zaladi tu ra cá tu yaga» (Juan 8:32). Xi gucaládxibe niní'be ne ca diidxa' ri' ya'.




Zanda chu'lú' libre yanna. Zanda guilalu' de cani rusiidicabe ni cadi dxandí' ne de ca guendarusiguii ni ma' bicheeche Satanás. Laaca zanda guilalu' de stale guendanagana ni napa miyón de binni qué runibiá Jiobá (Romanos 8:22). Ca xhamigu Dios qué lica ridxibacabe guendaguti (Hebreos 2:14, 15).

Zanda chu'lú' libre lu Guidxilayú ni Dios chiguni nacubi. ¡Guizá' sicarú nga mayaca chu'lú' libre! Ora Guidxilayú ri' gaca ni ti paraisu la? ma' qué ziuu dí' guendaridinde sti' guidxi, guendahuará, nin guendarucheené ley. Ma' qué ziuu dí' guendapobre, nin guendarindaana. Zi'u'nu libre de guendayooxho' ne guendaguti, zaqueca de guendaridxibi, guendaruquichina' ne de ni cadi jneza. Biblia na sicarí' de Dios: «Cuxhálenalu' ne cudiilu' ni racaladxí' cani nabani» (Salmo 145:16, NM).

Ca xhamigu Dios qué ziuu dxi gática’. Guendanabani ni qué ziuu dxi guiluxe ca la? nga nga tobi de cani jma sicarú ni cusiga’dé’ Dios cani ruyubi gaca xhamigu laabe (Romanos 6:23). Guní’ ique si ni zaca para lii guibánili’ sin qué guiuu dxi gátilu’.

Zápalu’ tiempu para gu’nu’ intiica chú’ladxu’. Zándaca gacala’dxu’ guizii-dú’ guxhidxu’ xixa, o pacaa gutieelu’ o gu’nu’ dxiiña’ de carpinteru. Laaca zándaca gacaládxilu’ guiziidu’ gúndalu’ de ca maní’ ca o de ca yaga ca. O pacaa chula’dxu’ chigunibia’lu’ sti guidxi ne ca binni nabeza raqué. Cumu zápalu’ guendanabani ni qué zaluxe la? guirani zanda gu’nu’.

Zápalu’ tiempu para gu’nu’ stale amigu. Cumu ma’ qué ziuu dxi gátilu’ la? zanda gunibia’lu’ stale de ca xhamigu Dios. Zannu’ xi nánnacabe ne ximodo laacabe ne laaca zaca xhamígulu’ laacabe. Zannaxhiilu’ laacabe ne laacabe zannaxhiicabe lii (1 Corintios 13:8). Cumu ma’ qué ziuu dxi gátilu’ la? zanda gaca xhamígulu’ guirá’ binni guibani lu Guidxilayú. Ne ni jma galán la? amistá stilu’ ne Jiobá zaca ni jma naguidxi ra tiidi’ ca gayuaa iza ca. ¡Guca xhamigu Dios ne qué ziuu dxi gátilu’!





Racala'dxu' gannu' jma la?

Para gannu' jma de ca testigu sti' Jiobá la?
guyé lu www.jw.org/zai

